

上帝命以福斯民亦不自以爲功然非郁憲公之德足以格天
曷克臻茲而都憲公卒以功歸諸神公諱敏字公勉河南
襄城人由名進士任監察御史歷廉憲左右方伯而陞今
職在在有聲大同守安陸周侯正恐其事久無傳而泯沒
遂命知渾源州事懷柔馮君珪求予文勒諸堅珉以紀其
勝并載祝詞於左方云

卷中

登恒山記

楊述程
巡道

余夙覽五岳圖思嚮往其地久矣己酉歲奉命觀察雲中
恒岳實居轄內辛亥春欲以祀典往謁岳神緣邊境不寧
余爲計防禦事且不暇是歲孟冬廿日直指潘公觀風使
水故事兵使者以分疆例得陪視明日潘公將有事恒岳
余導驄而往南行十里許至磁窯口兩岸峭削如門大壑
吾鄉劒閣諸峽泉流峽中澎湃奔瀉潄潄澹澹如建瓴而
北爲神川云此處山光嵐色皆蒼蒼蔥鬱不似北方景
之東鑿石疊途直橋木磴又大類吾鄉連雲諸棧上有石
窟架閣猶餘積木數千畝欲盡傳者以爲宋初遺蹟云